

5528/2341(2)

女士佩秋閣詩稿

下

佩秋閣詩彙卷下

吳縣 吳萇 珮纒

天井

抗策上崇岡細路循蜿蜒咫尺塵壒渺松際浮蒼煙翼  
然起危亭遠水涵澄鮮探芳及早春消息得最先薄冰  
殘雪候瓊蕊照更妍閉門臥高士索笑尋癡仙卻羨孤  
雲迥日暮自往還

夕嵐互變姿歸雲翳出沒山禽哢短枝芳信殊堪折靈  
境展清眺長松兩行列流泉無停時觸石澗飛雪欲涉

佩秋閣詩藁卷下

吳縣 吳萇 珮纒

天井

抗策上崇岡細路循蜿蜒咫尺塵埒渺松際浮蒼煙翼  
然起危亭遠水涵澄鮮探芳及早春消息得最先薄冰  
殘雪候瓊蕊照更妍閉門臥高士索笑尋癯仙卻羨孤  
雲迴日暮自往還

夕嵐互變姿歸雲翳出沒山禽哢短枝芳信殊堪折靈  
境展清眺長松兩行列流泉無停時觸石濺飛雪欲涉

萬峰巔清磬散林樾

山深日易夕微芒見星光松風被酒面繞樹吟徬徨頻  
年阻游興摒擋今始償風敲篁竹碎月暗蒼苔荒星萍  
儵然集雅若清虛堂息壤有喬木松柏凌寒霜我來作  
招隱流泛西園觴

蕭寺鐘魚歇暝色合叢樹玉蕊明疎籬恍與縞仙遇寒  
香襲襟袖微吟水曹句惜少舊時月綃帳誰當護河漢  
淡不明疎星耿欲曙

謹和業師落梅原韻卽送之從戎滬上

玉梅零落如搏酥山田泱泱鶴鷗呼春寒寂寞行徑掩  
漫莊舊築今已無黃昏月暗池水淺林逋高韻吁嗟徂  
剩有枝頭唬翠羽曉天一色雲模糊吾家山名卽香雪海咫尺  
鄉園在尋夢奚必孤山孤近市何如作中隱出山險巖  
防梗途卽今五湖春意足亟賞佳景船宜租明發鼓枻  
渡江去風雨應斷蛟兕鬚

寄呈從叔學巖海虞四首

風雨天涯不辨春圖書依舊古爲鄰窮經自抱桓榮志  
避地難祛庾亮塵落日孤村鷗夢淡荒江倦旅馬嘶頻

蘭成底事青衫溼愁憶當年被襖辰

乘風鼓棹泛滄浪書劍飄零鬢欲霜銅鉢聲傳吟社豔  
玉梅花落古苔香他鄉漫賦零丁帖故國愁聞替戾岡  
莫謂懷人消息迴尊鱸應愛近江鄉

流寓平生等隱居閉關且自注蟲魚五湖泛梗無家客  
一紙春風遠道書捐袂湘君吟北渚登樓王粲賦遺墟  
鶯飛草長年年恨坏土無人弔闔閭

海上軍門自建牙湖山招隱夕陽斜登臨廣武愁中淚  
問訊江南雪後槎澤國雨深荒蔓合孤城角語暮雲遮  
窮途誰使長無謂懷古傷時未有涯

七寶泉試茗

江心汲水沈脩綆茶經寂寞巖花冷妙高臺下轉陂陁  
依舊涓涓潭水靜白雲滿隴響琴筑選石藉苔與孤迴  
松火乍然風鑪紅石銚隨身挈瓢瘦蟹眼漸細蚓竅鳴  
試學昌黎聯石鼎本山泉試本山茶何必頭綱與八餅  
夕陽無語危亭圯石竹作芽迸春筍

癸亥五月山中寇竄將避難之海門感賦四律

將離花盡見芙蓉排日牢愁罷著書未見孫歆馳捷報

佩秋閣詩彙卷下  
早輸潘令賦閒居千灘水惡挈舟險二頃田荒作計疎  
愁唱卮卮歌未已等閒無路上牛車

天涯歧路悵何之家國零丁又一時敢說拔身離虎口  
居然逐客到蛾眉轉蓬未許垂楊繫流水終愁上峽遲  
安得棲身似同谷悲歌細和少陵詩

不辭長路賦閒關暮雨冥冥慘別顏尙喜高堂加飯健  
轉憐薄植買山慳趙岐北海藏名易庾信江南去國艱  
太息蓬萊三見後煙波爭不羨鷗閒

汗雨頻揮紀客程亂蟬聲噪夕陽晴東征賦就心還戒  
南浦春歸調易成海國揚舲風上下江山對酒淚縱橫  
窮途滋味如荼苦敢自登樓唱渭城

### 渡太湖

抽帆直下五湖水兩岸菰蘆鳴未已中流容與不知暑  
黃雀風高白波駛吳中況復山水窟近形遠勢羅眼底  
爾來失意出行邁不知身入圖畫裏推篷遠窮秋毫末  
杯水堂坳互失喜桑田回首變滄海境界華嚴幾彈指  
湖山大好不能住水鄉空憶彫胡美我聞此湖古震澤  
靈威包山閼圖史隔凡路斷判夷險天水蒼涼呼蒼兕

佩秋閣詩彙卷下  
四  
風光擊楫不成醉行色皇皇去桑梓鴟夷漫惜鑄黃金  
一舸人閒疑未死胥江日暮風波惡出門詎免呼庚癸  
何當直作汗漫游風引蓬萊去天咫明發鼓枹揚子津  
岷海奇觀從此始

舟夜寄懷表姊陳畹生

扁舟隨地泊估客語深煙市聚流民店農耕瘠土田離  
情歌水調落月照愁眠此夕江波闊伊人何處邊

斜塘道中

青羅縈似帶一棹破溪煙鵝鴨隨波狎芙蓉近水妍殘

虹圍斷岫孤鳥沒遙天却望斜陽路風帆落浦連

梅里卜居

海虞舊靈藪劫後長蒿萊焦土餘生藉官儀舊製迴潮  
平沙港沒風細塔鈴哀虎口從今脫旅懷得好開

贈琴川陸蘭生

蘭生張氏字元芬工草書

緣關翰墨總前因末路相逢多苦辛世事祇宜中聖酒  
兵戈頻閱夢游身天涯卜宅求同調海上浮家暫結鄰  
絕學真傳顛草訣簪花不數衛夫人

立秋日作

回首江關杳題詩一倚樓房權餘暑逼雲樹故鄉浮近  
海波濤壯遠游帝子愁哀鴻何處聚苦作稻梁謀

旅況

疎柳蟬猶響古原草未霜鱸魚秋入饌菱角軟生香海  
氣蒸餘熱江聲控夕陽殘山空似劍未得割愁腸

寄懷湘雯申江

乍別梅花閣長吟折柳條衰時多梗道客思逼中宵蘆  
荻秋翻雪魚龍夜吼潮有懷吟絮侶星旦賦招搖  
誰怨平羌笛嗟余行役休木棉塞北落金雁度南樓戍

鼓催殘夢孤燈暗早秋故人愁不見煙水滿汀洲

罷著閒居賦同懷蹈海心遙憐東閣夕細譜水龍吟良  
覲兵戈阻餘生涕淚深刺船人已老祇自鼓瑤琴

吳頭通楚尾一水急波瀾海氣冥冥雨江湖漠漠寒瑤  
華雙鯉札鄉夢五湖竿吾輩真如寄敢辭行路難

附錄和作

秀水陸費湘雯  
潔華

愁絕蘇臺柳而今賸幾條鶯花同浩劫風雨悵深宵  
行跡憐飛絮歸橈憶暮潮敢誇吟筆健空對一燈搖  
十萬貔貅壯烽煙迄未休蒼松留石徑巡柝聽城樓



佩秋閣詩集卷下 六  
清夜涼於水虛窗靜若秋何如浮一葉常泛白蘋洲  
獨有歸來燕猶存故國心繞梁如欲語小住伴高吟  
蓬梗飄零慣滄桑閱歷深薰風誰解愠側耳聽鳴琴  
弄翰慚無補誰驚筆底瀾綠陰三徑黯紅雨一簾寒  
春暮人無恙心平慮自寬比來清興減珠桂治生難  
書所見  
江鄉滿地拂黃沙  
轆轤聲多坐小車  
一望平郊秋色好  
西風斜笠捉棉花

琴川寓館同蘭生夜話賦贈三十二韻時余將之

婁江

人生慳遇合蹤跡尤難明  
寓目瀛海內懷抱端憂生  
行止矧無常歲月坐崢嶸  
年來苦充斥轉側嗟經營  
開窟愧狡兔瑣尾隨流氓  
三月賃君廡幽憂甘藿羹  
小窗共燈火月落參斗橫  
是時秋氣深蕭槭枯桑鳴  
寒蛩繞四壁明河耿西征  
稍聞刁斗勁愁逐車輪縈  
蒹葭秋水闊飛鴻墮哀聲  
輪君鹿門隱力作研田耕  
詞奪賈島瘦神似衛玠清  
珠玉一咳吐恍聆九鳳笙  
臨池無暇晷墨水生  
光精縱筆逞姿媚運腕煙雲崩  
剡藤繭紙厚獸駭而

備秋閣詩集卷下  
蛇驚君言有女弟霜姿如瓊瑩荒園傷漆室別鵠悲陶  
嬰閉門甘澹泊抱木慕女貞雛鳳喜穎慧神情似舅甥  
零丁日坎珂造物洵忌盈茲言足歎息抱命莫與爭卽  
今干戈際無處堪避兵此方瀕海壖劫後埽榛荆羽書  
日夕下江上愁孤城樓船近駐節橫海翦鯢鯨滄桑幻  
鄉國方寸如懸旌因君慷慨志感我艱難情瓊瑤輒相  
報意氣貴相傾良會不可常美酒貽雙罌何當圖雅集  
一舉二妙并

徙居印溪再別蘭生

墨突黔猶未杞憂苦合并西來秋色冷東下大江橫泥  
爪頻年感干戈異縣驚白沙明發棹別恨共潮生

印溪旅感

濩落餘生氣不伸海天慘淡寫流民空囊澀作他鄉賦  
短燭愁燒客邸春望眼旌旗虛草檄側身天地苦勞薪  
何當澤國尋鱸膾高詠南樓覓句新

舟夜推篷露坐

河漢明猶澹川途轉更深星疑漁火細雲共海潮陰流  
水停孤棹荒雞隔遠林不知遙夜永竟夕託哀吟

曉發梅塘寄懷家姊

統如津鼓歇艤舟泊村岸野犬聲漸微荒雞夜過半霜  
華壓篷背冷露汀草漫居人方夢酣行子已戒旦曉風  
襪被寒戢戢聽解纜其時月未墮斗柄光猶爛菰蘆響  
蕭瑟秋蟲續復斷時危互戒懼夷險路難判篙師貪程  
發吾心憂喪亂揚舫過浦澈漸見東方燦晨光暖熹微  
晞髮宿霧散誰念去鄉國吁嗟違親串眷言同懷人雲  
中君不見

園竹

避兵去桑梓息陰憎惡木初學稚川移繼向詹尹卜離  
家匝三月不飽花豬肉轉徙道南宅左右蒼筤竹瑟瑟  
幽篁碎娟娟新雨沐和月篩蒼苔因風戛寒玉蕭閒讓  
此君十畝清曠足如讀風人詩瞻彼衛淇澳嗟余薄植  
艱行路尤熒獨卜鄰旣云得况味儘醫俗斷之復續之  
小窗披簡牘天寒怯袖單夜深清夢覺何似瀟湘夕恍  
入篔簹谷春雷走鞭筍山家慎勿斲

鴻雁

鴻雁哀荒澤兵戈尙未休音書沈海國津鼓動沙頭歷

佩秋閣詩集卷下 九  
歷晴峰遠娟娟篁竹修余懷吟未得旅思況幽憂

印溪雜詠

夕陽明短笠捉花長堤下歸來挂篝燈布機軋中夜  
風吹鴨脚葉竹編鹿眼籬平沙信宛轉何人感路歧  
篁竹細吟風楓葉霜勻醉日夕小園裏詩夢墮空翠  
朝披溪口雲暮唱溪邊月冷落不相逢繞塘互出沒

舟次白泖塘遇雪至梅里聞省城克捷時癸亥冬

十月廿五日也

白泖揚帆駛急流荻花楓葉渺滄洲江潮夜走重關怒

吳榜朝喧佑客愁落日凍雲迷澤國朔風吹雪上征裘  
羽書一月傳三捷喜說將軍入蔡州

吳淞江趁潮

船頭拍拍水聲響長年捩舵衝潮上江流直下海門寬  
放眼雲山愜心賞布帆引我扁舟東中流擊楫開鴻濛  
雲煙儵忽紛變幻揚舫快若乘長風細雨丹楓浪花白  
叢蘆兩岸飛秋雪盍余風塵直上征避地已免柏人柏  
吳山不見楚水遙湘纍九辨魂難招月明夜泊黃歇浦  
高枕寒江聽落潮

黃浦阻風夜至浦東復阻雪

出門未祭石尤惡海扇乘風力相攫  
洪河凌兢逆潮上篙師併力前轉卻  
客顧舟子且莫莫菰蘆糴入暫棲泊  
千林雲翳翳未開雨雪篷窗俄交作  
狂飈怒吼沙礫飛放眼那覩江天廓  
離家忽忽已五月抱膝呻吟恆不樂  
家貧誰辦限于役嚴寒中人敝裘薄  
雪花墮地大如掌來此何異臨沙漠  
平岡斷隴不復辨嶙峋表丈儼巉嶮  
林莽蕭槭盡梢殺推篷匹翥霜天鶴  
戍旂凍卷鼓聲死落日嚴城愁鍵鑰  
此時彷彿蘆中人窮餓已拚填溝壑

荒雞縮足不敢唬凍禽塌翅墮村落  
明燈幾輩設高宴深夜沈沈方動酌  
吾生何爲久行路聽雪孤篷聲郭索  
湖山無恙儻招隱終期炙硯佩秋閣  
明發衝寒歸去來故園梅樹定含萼

贈俞夢花

楨

良覲申江袂乍聯天涯風雪入吟邊  
憐君流寓成三徙遲我神交悔十年  
詠絮才華春似海軟紅塵土夢如煙  
何當一鼓湘靈瑟高駕洪波手刺船

將還印溪留別湘雯

殘年風雪滯天涯鼓棹申江落日斜  
知已誰憐成小別飄零我亦久無家  
陽關唱徹愁三疊樽酒飲豪門八叉  
記取隴頭逢驛使一枝春信寄梅花

登艫

久客曾無兩鬢青登艫且喜快揚舲  
天開圖畫扁舟入帆劃江雲近海腥  
遠夢忽隨高下浪舊游細數短長亭  
尋常羈屑增宵感太息艱難賦鵲鴿

歸次沙頭宿龔氏草堂夜雪懷臞仙

消息江湖斷天涯悵盍簪琴書高閣迴  
風雪夜堂深蠟

淚銅盤膩苔紋石齒侵誰憐倦遊客  
醉墨此題襟

戒途

戒途侵曉發雨意遠空濛流水橋三板  
孤舟雪滿篷江梅相向破煙樹自成叢  
打漿沙頭路揚舲又柳東

重至梅里

雨雪征途犯風沙昔夢仍孤帆衝暮歲  
雙漿打春冰水鳥飛還聚湖雲凍欲凝  
海虞山又近空翠入峻嶒

過郡城有感

津梁人倦嗟三載此日歸舟繞舊堤  
征馬自尋衰草齧

夜烏猶傍女牆嘯錦帆涇畔炊煙少寶帶橋邊落日低  
根觸餘生兵燹恨不堪重憶菴東西

輓汪珮芬于申江

落日申江記扣舷倚裝佳咏染華箋總憐捐袂奉蘭芷  
尙憶移情鼓水仙酌酒漫尋高士墓歸帆悽斷孝廉船  
尋春雪海逢良覲回首前塵一黯然

君山中別墅與徐  
侯齋先生墓相去

武  
僅數

玉臺麗句委芳塵轉徙頻年信苦辛海嶠招魂明月冷  
家山賦隱畫圖新國香擅豔春難住倩影扶愁夢未真

憑弔河陽舊花縣野棠開遍總非春

甲子春日卽事用曝書亭韻寄懷夢花

風雪蕭騷吹滿簾清吟鹽絮入詩兼臥聽村酒糟牀注  
坐惜林花春雨黏覽揆庚寅同正則編年甲子比陶潛  
故人天末遙相憶應悔無家涕淚霑

再用曝書亭韻

山窗風雨日研覃何處羊求開徑三爲愛春流環舍北  
又彈長鋏返江南吟邊樹遠愁如薺屋後峯多坐若龕  
應幸吾生歸計得竹鐺茶沸鬥餘甘

婁江俞夢花作圖寄余并題佳詠賦此荅之

濕紙雲煙滿幅開海山蒼翠夾潮來一身六法能兼擅  
不數人間詠絮才

良覲申江愜素心盍簪佳約渺難尋刺船再鼓天風曲  
可念淒涼爨後琴

到處飛鴻爪印留一般羈屑使人愁黃雲畫取海天景  
更寫蛟宮十二樓

澤國層陰已暮春譜殘離隱悵蘭因年年草長鶯飛候  
當拾蘼蕪贈遠人

附錄原作

天涯萍聚亦前因道韞詞華展誦頻惆悵卷菴心一  
樣惜花人對惜花人

舊閣猶聞說佩秋紉蘭應許抵忘憂而今爲念家山  
遠尺幅披來當臥游

愧我塗鴉不解斲更無佳句贈詩人他年如許通芳  
訊好續吟壇未了因

同是飛鴻踏雪泥桃源暫借一枝棲故鄉尚有烽煙  
警愁枕孤城聽鼓鼙



陳貞女

徐淑

過余寫韻軒話舊感賦

亂後蓬蒿沒輸君三徑諳湖山仍舊侶杯茗助清譚漆  
室悲同志黃壚曲未堪年年梁月上愁狀肖春蠶

焙茶成二十二韻

平生癖嗜茶錙脚隱林藪頭綱不知數百餅紛相剖排  
日門水痕風雨響巖瀏君謨製茶方秘從玉川受值茲  
春日佳薄采忙山婦林光朝旭溫穿徑披窈糾捋茶慮  
皴膚攀藤易刺手當其初舒芽濯濯宛春柳摘果或傾  
筐撮花僅盈斗稍擬戾風桑差異翦雨韭其時社火新

風信杏花後陽微然白炭借箸并縛帚絮絮黏復脫團  
團薄且厚置竈石床閒露臂若袒右或似縑盆三或似  
鍊丹九伊人燔炙功天女散花久蒙頂珍裏紙雨脚愛  
搗臼和露賦佳釀檟莽悉云醜虬竅沸山泉嫩碧浮瓷  
甌七椀腋風生聯吟拓軒牖以之暢心神塵慮淡何有  
卻笑桑苧翁摩挲一經守

得張漱雲書

一從鹿走蘇臺路不見同心今七年等是避人藏海國  
定知落句點蠻箋秋深礎杵霜零瓦夢徹刀環月墮弦

佳約城南尋舊侶扁舟須泛五湖煙

酬貝靜娟綺夫人畫白菊扇

三徑就荒日臨風便面揮幾叢團古雪一簇綴清輝籬  
落明霜色秋深見白衣因之懷舊土愁絕夢痕稀

能事兼三絕調鉛意更新白描擅高手瘦格逼真清  
入瑤華詠愁疑西子顰白菊一名西施白秋風簾箔底想見與

傳神

初入郡城

西風吹木葉放溜出空山作客能無悔浮家獨後還蕪

城遍衰草戰血尙餘斑辛苦鄉關路因之涕淚潛

雪後寄陳貞女

雲峰寂寂澹湖陰靜護春寒菴水潄料得山窗頻炙硯  
落梅風裏裏頭吟

雨中還山感賦

山雨抽帆野色昏琳宮銷歇斷垣存連江煙樹迷吳苑  
倚枕風濤入海門路繞橫塘初背郭橋迴早市自成邨  
誰憐劫後重經棹腸斷難招未返魂

送業師鶴巢夫子公車北上

綠波春水孝廉船計日迴翔學士磚驛路梅花欹席帽  
津門柳色上吟鞭歌殘渭雨愁三疊夢逐京華路幾干  
若憶故山猿鶴侶宦成應賦遂初篇

寄荅陸元芬

記昔別君琴水濱蚪檐落月秋紛紛南鴻北雁叫相失  
思之不異雲中君路轉沙頭步蘅薄雙鯉微波脈相託  
扁舟一賦歸去來木棉幾度花開落榻寄新詞比玉田  
揮毫落墨飛雲煙分攜愁思不可療柳色江南又一年  
人生聚散傷懷抱夢裏徒憐顏色好安得訪我菴東西

對君細詠河邊草

蓴

吳儂住水鄉鄉味情所戀陸機千里羹近在離宮畔入  
春波粼粼十里鏡平面撈鰕滋味薄摸魚練裙濺權船  
去采蓴宛宛裏柔線初疑苔石衣沿流水瓜蔓又類長  
生蘋抽莖蘆茨亂出波晶失明入掌釵比玩三潭月乍  
弦急槩湖煙散觀荷錢未圓牽荇帶或斷采之不盈掬  
嗜之等茶串花豬燒苦筍恆與薑芽薦鹽豉美須拈羊  
酪羶何羨翻匙涎流滑攪箸絲軟腎雉尾纖差殊瓜丁

嚼易倦此時舌本參鱸鱸花飛片取泛婪尾杯藉與春光餞

胥江詞

曉鏡橫窗詠玉臺胥江一面酒船迴簾衣記卸春風煖

杏雨初肥燕子來胥江在府治西南吳王沈子胥於此因名胥江

越來溪水碧於藍兩槳分波路舊諳笑指兒家門巷近

夕陽村舍對晴嵐夕陽在木瀆

第四橋邊款懊儂客船江上漫相逢年時楓冷潮初落

聽斷寒山夜半鐘第四橋在吳江

閒階一片露華滋絕憶跳珠雨歇時彷彿西青灣畔路

深沙淺水白蓮池西青灣在馬跡山白蓮池在祥符寺傍

響屨廊深靜夜聞刺桐花底月紛紛輪將淺黑鴉頭鞮

吟繞蒼苔印碧紋響屨廊在靈巖山

東西菴水碧迢迢幾日春冰看漸消攜榼尋梅香雪海

踏歌趁月虎山橋東西菴香雪海皆在府西四十里

山桃開遍浴蠶時春漲分湖門鴨知揜袖漫看摸魚子

分題須製摸魚詞郡人陸龜蒙喜門鴨有門鴨闌

蘸水楊枝低不妨權船曲折過迴塘西施浴後空流水

贏得人閒脂粉香

脂粉溪在府西一名香溪舊傳為西施浴處故名

權入橫塘折短蘆北山堂址已春蕪年年桑葉尖新候

不見題詩范石湖

石湖即越來溪宋范成大隱居於此

槐葉陰濃罩綠苔百花洲畔百花开一番船趁風迴後

定有賈船海上來

百花洲在胥盤二門之間船趁風四月風也

山翠湖光濕不分夜深風雨齧苔紋殘碑賸有聯雲嶂

已蝕宣和舊帖文

聯雲嶂在石公山宋朱勗取花石於此石上勒文已模糊不辨矣

白公隄柳盡垂絲日暮還過短簿祠風幔酒簾齊上下

一時爭唱冶春詞

顧湄虎邱志山塘古稱白公堤上有短簿祠

黃梅新水沒三篙蓬底先嘗雪色桃十里歌聲聽未足

藕花深處盪輕舸

雪桃即白楊梅見太湖備考

陰陰桑柘藹橋南已過三眠出火蠶宵雨聽來疑食葉

不知濕翠湧層嵐

吳中呼三眠蠶為出火

桃枝花小杏枝鮮雨近清明柳欲眠權過游湖三十里

春流泱泱灌平田

游湖在府西南與太湖相接

山頭雲氣沐煙鬟山下穠桃著雨殷生愛女墳湖畔宅

朝朝螺黛學春山

吳地記女墳湖在吳縣松陵唱和集有女墳湖詩

江南春去草萋萋罨畫雲山罨畫溪五月爭乘瓜蔓水

三冬常護辟寒犀宋史河渠志四月末謂之麥黃水五月謂之瓜蔓水言瓜實蔓延也

瑣院苔陰暗上潮紙窗風雨響深宵笑儂乍讀羣芳譜

不識園中鳳尾蕉鳳尾蕉生西山王氏園本粵中物雍正初年始花大如斗眾不能辨

禹期絕頂眺平蕪紅樹村村入畫圖記過九峯三泖宿

滿篷明月鱸江鱸九峯三泖在青浦禹期山在太湖中

芳筵開日酒初酣愛擘微黃二寸柑到得洞庭霜落後

權茶常坐橘香庵橘香庵在洞庭西山

權船乍放東西島掀浪仍過南北鳥網得錦鱗三十六

不須橘柚足官租東西島二山名南北鳥亦二山均在太湖中風浪最惡見太湖備考

采蓮家近湖沙頭打槳中流風力柔幾日渚蘋吹乍歇

權歌一曲菱湖秋湖沙地名在東山

移家只合住包山橘樹千頭手可攀領得頭銜峯頂坐

尊官須羨橘官閒洞庭西山古稱包山尊官明鄒舜五始采尊湖中其孫弘志種尊作貢尊

詩授岳陽知縣人目為尊官

青山朵朵若芙蓉雲影天光盪此胸盡日扶藜看不足

張帆直渡莫釐峰洞庭東山最高峰名莫釐峰

葛仙遺宅隔城霞縹緲峰高路轉賒喫摘墨君壇畔水

竹鑪題品小春茶葛洪遺宅在馬稅城南墨佐君壇在縹緲峰喫摘地名出茶最佳名小春

茶俱見洞  
庭實錄

鼠船簫鼓雨空濛六道帆張四面風來往宜知十八直

掀波慣入馮夷宮鼠船太湖中巨船遇風始行逆風掉槍俗諺有來往十八直之語

東籬新劖貓頭筍西菴爭租燕尾船一種清游人乍倦

茗香團雪煮山泉燕尾船吳船別種張思廉詩斜日輕風燕尾船是也

千疊雲山萬疊峰上方魚板下方鐘遙尋古雪庵邊月

坐聽天衣院後松上方寺在西山唐會昌六年建淮海記蓋孤園寺之別院也下方寺本即

孤園寺梁吳猛捨宅建古雪庵天衣院在東山見太湖備考

望湖亭上望湖光葉葉風帆入渺茫慣是湖心波浪險

玉簫金管發沙棠望湖亭在洞庭東山豐圻

菴裏鳴榔岸乍分湖中空翠望氤氲春游爭上五人墓

寂寞空村五女墳五人墓在虎邱五女墳在石公山即明王氏五孝女之墳也

結屋須鄰香水溪菱歌聲裏水禽嗁白蓮採罷波如鏡

照見天邊眉月低香水溪在府西二十里

銷夏灣頭易得秋梧桐院裏月如鈎宵來風雨吟蕭瑟

寫出深宮一段愁銷夏灣在西山梧桐院在琴川

六浮山閣久苔荒賸訪司徒廟柏蒼古色青銅渾不改

凌寒慣自閱風霜六浮山閣在西磧山司徒廟有古柏四縱橫臥地大可數抱蓋元時物也



雨後尋秋煮石泉練裙蠟屐細林穿直上鳳岡纔百步  
僧衣如畫俯平田

鳳岡在郡西四十里俗呼百步頂

山田高下促春耕豌豆花青麥漸生比似陸游過梅堰

賦詩初作小巢羹

豌豆葉吳中充作蔬名小巢羹梅堰在吳江陸放翁有過梅堰賦巢羹詩

佩秋閣詩彙卷下終

佩秋閣詞彙

吳縣 吳苒 珮纓

臺城路

紅葉

楓林坐晚霜痕染嫣然酒顏新醉驛路魂消吳江夢冷  
都是者般風味詩情漫擬似付與寒姿冶春爭麗半壁  
殘山斷霞橫抹夕陽外 長亭多少送客數程如畫本  
鞭影遙指艷却非花鮮宜著雨攪作 去聲 離人紅淚休  
隨逝水便吹去閉階海棠秋比樂府吟來恐餘愁未洗



霜葉飛

黃葉

夕陽村路詩筇瘦平林秋意如許天涯可奈感飄零恁  
打頭飛處向晚菊籬邊認誤漫教倦客吟愁句只一夜  
霜華頓減了濃陰儘西風便吹去 何況畫裏江南幾  
人家在此時歸棹無主那禁搖落好年光散似搏沙聚  
向樾榭村頭且住柴扉亂逐昏鴉舞剩有著書身槭槭  
蕭蕭閉門聽雨

鎖窗寒

題夏令儀墨竹扇

露浥風清猗猗萬箇淡搖空翠腕底蕭疎都是吳江秋  
意記橫窗夜月朦朧碧紗篩影重重碎更孤燈聽雨黯  
銷魂者籟聲徐起 增媚三分水便醉墨欹斜儘醫俗  
味彈琴坐嘯想見幽閨詩思襯嶙峋白石蒼苔舊愁細  
寫雲煙裏怪無端篋笥拋殘不減湘妃淚

暗香

詠梅

空山雪滿又攜筇吟繞疎煙籠岸不似梨花幾度東風

怕吹散環珮湘妃跡  
杳思洛浦夢魂飛  
見倩醉墨寫影  
生綃籬落水清淺  
殊羨漸春轉  
試翠禽一聲酒醒人  
遠殘水流澗幾許  
詩情苦清怨寂寂  
巡檐索笑怎未許  
小紅輕換只夜靜  
聽鶴唳曉霜天半

疎影

前題

茶煙颺碧有疎花  
數點寒照山色寄跡  
瑤京濯魄冰壺  
問是幾生修得溶溶  
淡月江村路却又訝  
曉霜輕抹記依稀  
乍覩瓊姿擬向廣寒  
宮闕不斷清愁縷  
縷夢魂

戀紙帳燈影明滅  
淺隔晶簾冷拂銖衣  
恍對謝庭香雪  
素娥不慣人間住  
合伴我綠窗幽寂  
恁無端吹下罡風  
領袖一春標格

滿江紅

聽雨

已黑疎窗聽不了  
雨聲蕭瑟似訴到  
別離兒女臨歧鳴  
咽點滴不堪和雁下  
淒清如向吟蛩說  
把銀釭剔盡不成  
眠明還滅雲黯黯  
籠纖月風細細透  
重幕正漏壺欲斷  
簷牙猶滴似我頻  
揮斑竹淚憐他碎  
盡枯荷葉儘

黃昏悽絕九迴腸愁重疊

露華

題聽秋讀騷圖

西風瑟瑟正滿院商聲獨坐愁絕一卷荃蓀對影釭花  
明滅憶到玉簫涼生況是候蟲吟壁閒階悄蟾蜍挂空  
冷露珠白 梧桐葉落遙夕訝幾許幽懷橫竹吹徹更  
和清砧敲遍寒聳詩骨剩與楚些招魂聊伴海天岑寂  
空悵望瀟湘暮雲凝碧

齊天樂

蟬

綠槐庭院陰如許聲聲度來林杪翅薄風多身高露重  
獨把纖枝危抱哀音漫裊顧鬢影成絲暗驚秋早驀起  
涼颼曉窗繁響恐沈了 年年曾記聽處五更疎欲斷  
幽思多少冷咽齊宮淒迷漢苑身世西風殘照迴腸正  
攪憶歸棹橫塘柳陰吟繞賸取餘音砌蛩相和好

畱春令

禁體

水仙

韭葉紛披蘭芽掩映歲華如許月淡銀屏雲寒蕊闕怎

見愁煙雨 驀覩瓊姿渾不語疑似黃冠侶刺船人杳  
詞仙夢遠併作清商譜

點絳脣

禁體

天竹

一種篔簹紺珠萬顆纍纍結頌椒元日歷亂猩屏色  
耐此天寒何事因人熱彈丸脫湘娥夜泣血淚看成碧

清平樂

禁體

山茶

空山雪霽照見紅妝麗迎曉香殘宮粉膩悄和梅邊風

味韶華並占冬春錯疑巖桂前身一捻清芬如許細  
吟佳茗佳人

憶漢月

禁體

蠟梅

天末音書誰寄消息故園開未幾聲江笛度殘年恐有  
銅仙垂淚 黃昏九月細怕暈去酒邊燈次一般清興  
動揚州莫道嚼來無味

紅情

紅梅用玉田韻

無多春色訝玉顏笑淺暗窺籬密換了霓裳不似羅浮  
舊相識薄醉朦朧未醒疑夜雨小樓遙憶算九九勻遍  
臙脂和露曉妝濕 欹立帽檐側似九英映人趁迎朝  
日鍊砂賸液寒鶴低頭啄苔碧應憶洗多漸減仍冷抱  
冰魂如昔甚出塞聲斷續坐聞怨笛

綠意

綠梅用玉田韻

玉苔比潔正淨無可唾纖塵俱絕渡了煙江滌向冰壺  
不與春心爭熱幽姿別染眉螺淺好畫取雪蕉同說峭  
一枝占斲東風細字隴頭書疊 猶憶江南訊早嫩寒  
倚翠竹衫袖輕摺夢冷揚州吟繞西湖怎見小窗飛雪  
蒼苔么鳳迷無影算一種暗香堪折待晚來木末遙窺  
猶似舊時明月

臺城路

閉庭寂寂春光暮矣舊恨新愁殊不禁棖觸於  
懷也

飛花竟逐春光去年華暗驚催箭夢斲難連酒殘易醒  
棖觸離宮荒苑天涯路遠縱消息青鸞好春愁晚數遍

闌干迴腸一曲一回斷 依依多少舊恨儘 鶻聲嗁老  
難訴幽怨心字成灰眉山更鎖怎說愁痕能翦湘簾漫  
卷任蕉綠櫻紅幾番更換罷撫瑤琴又迴廊繞遍

菩薩蠻

茶煙

氤氳小院茶香細漸縈古篆疎簾裏無力只隨風輕颺  
幾縷濃 虛廊撩鶴夢棐几鑪煙擁蟹眼漫評量敲棋  
日正長

前調

蕉雨

綠天陰罩閒庭院隔窗風雨愁凌亂五夜總瀟瀟新詞  
一枕敲 酒醒人意淡夢斷屏山暗却憶宿江邊打篷  
秋滿船

前調

桐月

一鈎新月涼如許娟娟飛上梧桐樹客思怕禁秋簫聲  
何處樓 篩風渾不定絡緯鳴金井和露凭闌干夜深  
么鳳寒

前調

松風

林間謾謾無人覺山深一徑松花落相對譜瑤琴冷然  
太古音 翠濤空際卷靜晝濃陰轉彷彿傍棋枰石牀  
墮子聲

一尾犯

江鄉無聊買鱸作鱠頗動歸思迺譜此解

西風弄暝又思引橫塘早催霜信白波徐動鮮鱗跳網  
渡頭人等故鄉小別繫住季鷹歸艇趁攜筐買向江邊

日斜紅樹風定 食譜而今須訂比彫胡味較勝正雪  
鬆酥膩細斫并刀玉花低映奈萼絲秋老只悄和蜀薑  
風韻儘一箸解得清饒酒邊滋味重省

憶舊遊

舟次吳淞水天雲漠雪意滿林扣舷度此旅懷  
黯然

認湖雲凍雨浦水搏冰春意蕭閒一抹疎林遠趁寒潮  
夜發又度重關江梅幾樹紛照詩思不禁寒儘古柳鴉  
翻平沙雁劃悵望山川 堪憐念鄉國只今宵酒醒夢

佩秋閣詞彙終  
冷刀環待譜湘娥怨奈刺船人杳易折冰絃懊儂小海  
低按誰共扣吳舩恁寂寞篷窗清樽款曲行路難

佩秋閣詞彙終

佩秋閣駢文彙

擬鮑明遠蕪城賦

吳縣 吳苴 珮纒

浩浩原野一望無垠西接隴坻北抵雁門河山夾帶華  
嶽抗稜因夏禹之舊治襲炎漢而命名度列郡之宏規  
建百雉之金城爾其街衢飛輅閭閻騰煙走馬連蹄游  
士駕肩千門屯聚九市喧闐曉騰鼓角夕沸管絃土風  
既侈物力亦蕃鑄錢煮海莫可窮言故侈汰足侔皇都  
體制宜陋洛邑鑿百尺之碨憑千仞之堞石頭地雄鐵



夔險扼強啓尉佗之心利饒吳淠之域峙江左之上游  
畫邦溝以爲則豈知天道忌盈流風遞轉崑岡火炎虞  
淵日晚昔之帶河礪山崇臺曲苑莫不悲炬于楚人碎  
九折之隴阪則見山崩斲岸水咽荒隄零瓦雨墮古堞  
煙迷天空雲漫日落風悲猿狖夕嘯麀麀晨唳山夔木  
魅邀路當蹊白楊已風摧叢莽又霜淒塵埃而地起沙  
礫當空飛悲銅駝兮草沒歛拱木兮魂依已矣哉人生  
到此爰其曷歸痛心傷目有識無知若夫飛閣層構宮  
殿之崔巍璇題繡幕洞房之幽深羅綺鴛心之巧鄭衛

倦耳之音皆煙銷薰息寂影無聲北方佳人南都麗質  
如桃如李傾城傾國莫不魂斲莊周之夢魄化杜鵑之  
血豈復知玉樹之殘歌金谷之遺跡哉流毒若此飲恨  
何如顧此殘局誰念雄圖登樓縱目悵望遺墟歌曰高  
岸夷兮深谷陵流水逝兮邱隴平念繁華兮頓滅駭心  
目兮魂驚

清河雙貞傳

并贊

夫荃蕙之質必播郁烈之芳璫玖之姿必含溫潤之德  
惟致命于見危不偷生于蒙恥故能踵跡前美揚芬沒

世同郡張蘊仙靜仙庠生如菜之妹也長字汪筠莊公  
長孫仰之嫻淑順之儀秉窈窕之質幼澤詩書克範乎  
內則繼循禮教深明乎大體務此容功不矜柳絮之才  
鑒彼冰霜竊慕女貞之節紀其早歲失怙撫心泣血雖  
年未及笄而動若成人家故清貧常甘藜藿性屏奢靡  
自安荆布井日操勞組紉工織道弱弟于善能懲嬉戲  
博慈親之歡無間晨昏况復素性端莊不聞嘻噏是以  
宗族歸媿家人載詠以爲茂先之箴大家之誠無以過  
焉何期運阨陽九歲遭百六紅羊遷劫銅馬應謠戍烽

葇雲羽書障日業知侯景潛來有累卵之憂道濟已往  
無長城之恃惜乎錢空阮橐桃源之津易迷日迫虞淵  
葦航之舟莫泝大軍朝散堅城夕破當危巢之傾覆忍  
羣醜之縱橫哉慷慨相謂曰與生而辱甯死爲榮乃結  
連枝於複壁投雙纒於虛欄白練完貞黃泉茹恨天地  
爲愁風雲助悲其畢命之日蓋庚申四月十六日也而  
家人猶蒼黃莫計其搜無蹤越三宿帷幕之風未開輻  
輳之氣漸達於是垂年之母慘覩欲絕同懷之兄遠隔  
難知卽家後桑圃瘞焉嗚呼陽戈不揮年矢斯促祖述

佩秋閣駢文彙 三  
之楫莫誓陶侃之軍無聞家山曲破旣乏吳羹之奠城  
闕黍離孰下巫陽之招徒使耿耿貞魂悠悠烈魄依手  
足於泉路邈骨肉于天涯豈不哀哉然而充堂之芳出  
自委灰繁會之音生於絕絃風疾然後表草之勁歲寒  
未嘗見松之凋卞璞遇剛而益珍款冬經霜而始耀則  
異日者光垂史乘榮邀綽楔古所云雖死不死雖朽不  
朽者非斯之謂與乃爲贊曰

繁惟雙貞蘊仙靜仙婉嫵淑順蘭玉差肩迺邦之媛閭  
儀靡譽蠢爾犬羊潢池兵作憑陵我城爪牙肆毒慷慨  
相矢死潔生辱媿明孫真聯茲芳躅人生薤露厥名是  
修惟貞惟烈實孔之休猗嗟彤管式表千秋

徵題佩秋閣圖詩啓

夫懷故國者輒寄興于喬木操南音者徒結軫夫土風  
莊舄之動越吟張翰之思吳會情之所至莫能自己吳  
郡西四十里爲光福菑舊居佩秋閣在焉枕山之麓匯  
崦之濱編枳成籬因樹爲屋塔影俯波山翠環几清風  
入座明月代燭於是依元亮之井閉無已之門仰木成  
蔭披帷誦芬山水方滋邱壑信美例之昔人魯望菴裏

佩利閣賦  
四  
之詠景繁漫莊之築竊有慕焉當夫春風破萼香雪成  
海尋詩瑤林之中負手茅檐之下倚竹寒峭鋤月影瘦  
冰礪初解如聞古琴雲林遠沉恍戛疎磬此則入羅浮  
之夢縞袂若接登孤山之亭獨鶴與飛者矣羌乃小山  
招隱叢桂畱人寒花自芳支筇而破苔青楓弔古選石  
以題句撫落日之斲碑踏枯林之敗葉白雲飛而澗泉  
鳴山禽嗁而嵐光合至於角里村深五湖波渺漁笛三  
弄涼雲皆響菱歌一聲空水如苔朝陽夕陽之候山曲  
水曲之間尤足陶冶性靈驅使煙墨茁生憐薄植少懼

幽憂等卷施之早彫撫枯桐而半死況復河山雪涕戰  
壘屯雲杜弔之醜類紛張孫歆之捷書未報鈴懸石勒  
替戾聲悽草沒銅駝髑髏臺起遂使開府去國屈子遠  
遊悲張儉之無家藏趙岐之複壁固已形骸土木憂深  
漆室之葵憔悴江湖斑染楚湘之竹已嗟嗟津梁易疲  
川塗無極春波乍碧秋葭已霜閱關河之嶮巖飽荼蓼  
之辛苦兒時門巷有似乎夢游天涯泥爪又等之鴻雪  
爰隸繪事以資臥游薜蘿在眼鷗鷺如迎暮雲春樹宛  
吟淮北之天賸水殘山如返江南之棹唯編茗學陋寫

韻才疎東施效曠未能貌似西臺慟哭偏多羈屑所希  
謝庭名詠鮑家工賦玉笙雞塞之詞珠簾畫棟之製願  
門捷于八義兼倚聲乎三影則珠璣競吐絃匏並宣黃  
灣竹磻名傳朝川之圖藻纘瓊敷價重元晏之序

池上草堂消寒圖跋

草堂面鄧尉之麓枕西崦之濱吾師尊人鳧舟先生所  
築也先生接丁卯之風流尊漫莊之箸述移情林壑餐  
秀煙霞嘗構別業于池上雲山萬狀煙波一碧長林羅  
戶歛太湖之暝疎峰抗館延西山之爽當夫命儔嘯侶

嬰春討秋陶冶性靈雕績風月巡檐而笑則范村比其  
僻載酒而游則陶徑擷其英曩什具在息壤斯傳吾師  
家學夙稟名壇久噪五經擅無雙之譽一瓢繼高隱之  
風比者蓮幕抽身蓴羹牽興每思話舊之鄉遂作閒居  
之賦大隱小隱避世局之滄桑今雨舊雨聯踪跡于萍  
梗爰依先隴重輯吟壇牽藤蘿以補屋招鷗鷺而尋盟  
因名士之集結消寒之社花豬燒凍碧螳浮春埽雪三  
三之徑炙硯九九之圖朔風振林集霰縈檻松火乍然  
蓬門未啓拳虛幌以積素持寸鐵而戰白掀篷圖裏對

粉本之湖山擊鉢酒邊吟瓊海之香雪醉歌相屬逸興  
遄飛斷竹續竹團雪散雪莫不寄託出塵蒼涼懷古舒  
長嘯之逸響呼山靈其欲出苴集蓼餘生枯桐半死愧  
乏道韞之詠習聞茂先之箴嗚白頭之烏形影相弔化  
青城之鶴人民已非念家山其入破感城闕兮黍離豈  
若草堂僻處人外巋然靈光以邕繼善而文選之樓存  
聯皮與陸而松陵之侶集得以懷古懽鬯今情乎惟時  
翠羽乍唳明月欲墮幽賞未已清景恐失乃作斯圖以  
記其勝煙墨受召山水方滋西園之集斯傳北隴之笑  
堪免閉劉伶之關且學幽人息影入遠公之社何嫌高  
士攢眉謹綴小言用陳簡末

佩秋閣駢文彙終

跋

右佩秋閣遺彙一卷 先慈吳太孺人所箸也 先慈  
一生苦節中更離亂憂鬱之思悉發爲辭嘗寓瀆川至  
戚錢氏園詩筒往來無虛日兼之朋舊酬贈山水疏瀹  
所積遂夥先 府君彌留之際 先慈曾深夜剡臂血  
書祈代卒以呼籲無靈哀毀過甚心力日瘁遽爾棄養  
年僅三十有七胞兄景卿搜拾殘彙詩集畫卷半皆散  
佚僅從舊篋中檢得之印成行世頗蒙海內諸君許可  
嗣以家務倥傯未及重校甲申春院試俛得俛失旋抑

鬱以終嗚呼 先慈遭境多逆生平箸述零落殆盡而  
景兄英發之質復不永年不益痛哉霖 悠忽頻年追知  
甘苦第是亦 先慈精血所注忍使束之高閣耶戊子  
秋賦南歸時 從叔祖茶磨先生就聘申江途謁寓次  
因乞補作弁言重爲校訂荻畫未承慈暉久渺校畢爲  
之泣然男鍾霖謹跋



繼以終始時 先慈遺境多逆生不意連客落和聲  
賦兒與發之賢復不承年不益痛哉 悠悠頻年邊知  
甘苦第是亦 先慈精血所注忍使東之高朝耶及子  
秋賦南歸時 從叔祖茶磨先生就聘中江連講寓次  
因乞權作弁言重為校訂款畫未承慈暉久渺校畢為  
之泣然男鍾霖謹跋

